

敘

夫四始流音半採房幃之作五言肇體卽傳宮
扇之吟弱女授經大家續史禮制釐於宋幔圖
書絢于蘇機竹素所垂管彤有煒所以韋常訂
集列閨秀爲一門江李標評選名媛爲專錄也
余叨居清闕職在編摩敢分珥筆之餘閒遠續
璣囊之牘纂第念門承篤學家有傳書柳絮庭
前早得聯吟之姊椒花堂上又添作頌之妻鏡

檻邀題燈窗助讀銀燭芳蘭之句酬唱遂多玉
臺香茗之編收藏亦富吟翰方暢商絃倏淒硯
匣長封輟重揮之粉墨緹囊獨檢餘未竟之丹
黃卷言顧之吁其悼矣于是理茲散佚加以刪
存紫鳳天吳願無忘乎故繡黃駒駉駉思有附
于前塵爰發遺緘更搜別錄堦箎之響則採自
家庭鞞悅之華則徵諸戚里鏡鸞釵鳳貽珍什
於同襟雪柏霜筠參遺聞于故帙芟繁汰濫摘

豔標奇合有百家分爲十冊絲皆五色行行幼
婦之題錦是七襄幅幅天孫之製敢比元詩選
輯拜下泉臺倘同潘桂流遺跡存翰墨惟是見
聞所限罍漏尙多如蒙示以佳篇更擬登爲續
集道光甲辰春溥陽蔡殿齊霖盦氏自敘

國朝閩閣詩鈔

參訂姓氏

德化蔡殿齊謀盦編次

奉新甘晉仲望輯傳

吳縣潘曾瑩星齋覆輯

南豐湯雲林桂生校閱

彭澤張馥蘭坡校閱

湖口梅士蘭湘帆覆校

彭澤歐陽士玉六寄覆校

瑞昌雷壽南竹虛覆校

國朝閨閣詩鈔

第一冊

鏡閣新集

廬陵

朱中楣 遠山

嘯雪庵詩鈔

長洲

吳 綃 永仙

臥月軒詩稿

仁和

顧若璞 和知

徐都講詩

上虞

徐昭華 伊璽

青山集

當塗

吳 山 巖子

素賞樓詩稿

海寧

陳皖永 倫光

凝翠樓詩集

鎮洋

王

慧

蘭韞

凝香室詩鈔

錢塘

柴靜儀

季嫻

硯隱集

太原

張學象

凌仙

玉窗遺稿

海寧

葛

宜

南有

甲

鏡閣新集

廬陵朱中楣遠山

擬古遊仙詩

洪井尙留丹餐霞堪倚席盈盈若輕舉攬之不
可得宛擬至瓊宮互立仙班側倏起江海游鯨
人捧珠出爍爛起層霄輝煌炯遙壁或理鳳凰
琴或窺麟虎迹或誦步虛吟或促清談膝杳露
度韶音旖旎停雲澤恍惚在天涯徘徊間咫尺

忽覩避秦人更遇偷桃客劈藕大如船分脯還
煮石控鶴欲凌空懸巖深莫測竊窺復幽冥蒼
煙何鬱鬱團露染新紅方壺漂紺碧月腦晦還
圓星眸炫猶逸珍重廣成言飛鳥酣數息勝境
可能尋山河咸歷歷六著恍然明乾坤任所適

秋雨吟

漫鬪擣捕金釧冷暝烟猶綬鞦韆縷一聲新雁
動離思叫徹雲根透纖影翠細寒生已秋仲櫜

敲碎玉鷺殘夢急雨初收問落花清商暗度棲
梧鳳素娥青女意颺颺何事深閨恨夜長燕去
燕還還復去閒鷗依舊點橫塘

旅興

身世蒼茫裏烽烟已數千旅愁春候覺歸夢草
堂前花徑迷蝴蝶家山映杜鵑枝頭聞鳥語猶
自說燕然

春日感懷

青春作伴已還鄉贏得新詩富草堂蘇圃漫添
湖水綠柴桑難問徑花黃荒城處處傷離黍舊
燕飛飛覓畫梁家國可堪寥落甚怡情何地是
滄浪

春盡

閒花落盡淡煙垂庭院深深小倦時無數蜂聲
喧午夢幾行蛛網挂遊絲誘兒漸學家鄉語喚
婢重箋旅邸詩滿樹榆錢穿落日好教變作買

春賞

舟行晚眺

遠望清流曲曲通孤帆幸逐菱荷風黑雲片片
歸前浦紫燕紛紛掠短篷岸柳乍搖新水綠山
花遙帶夕陽紅頻聞簫鼓知村近雨過潮平月
正中

晚秋懷里

落葉驚殘夢秋歸人未歸水明天一色鴉帶晚

霜飛

舟泊鳩茲

水闊春迴接楚湘
學啼嬌鳥未調簧
起來捲幔看江色
一抹青山帶夕陽

春晚

惻惻輕寒孌孌垂
嬌鶯初囀最高枝
枕稜劃得金釵響
爲記深宵夢裏詩

宗伯年嫂招集滄浪亭
觀女郎演秣陵春

感賦

越調吳歛可並論梅村翻入莫愁村興亡瞬息
成今古誰弔荒陵過白門

第一冊

卷二

吳恭人綃字素公一字片霞號冰仙江蘇長洲
縣人通判水蒼女川北道常熟許瑤室工小楷
善花卉絲竹管絃靡不精妙著有嘯雪庵詩鈔

卷二

嘯雪庵詩鈔

長洲吳 綃冰仙

幽蘭頌

青青載榮被彼江臯君子服之德音孔昭

題芙蓉圖

秋露淨如拭木末披芙蓉輕紅蕩曲渚密影連
芳叢流照日色冷乾聲天宇空苔磯若雲綴水
澈魚相從襍襍白雪羽顧影蒼烟中仙人吹鐵

明倫彙編 家範典 卷一百一十七
甲七
笛響澈生淒風溯洄蒹葭側麗景看無窮

春遊百泉

仲月春始和遠郊阡陌靜數里聞水聲豁然入
靈境桃李猶含萼森蕭長楸勁淪漣映紅玉蘋
藻浮青鏡太行亘天末遙瞻似雲靚溯流尋神
源圓折紛珠迸嗚嗚見魚樂鱗鬣自適性善病
久罷歡暫使心目瑩至哉蘇門人今古誰與并
烏生八九子

秦家好門巷團團桂樹高雌雄雙宿桂樹間九
子相逢聲噉噉阿母何處覓食哺烏子烏子可
憐被鶻捎啄烏目食烏腸嘴如鈎矛翮如刀騰
身直上凌青霄阿母歸來不知烏子處雌雄遶
樹空勞勞徒戀主人桂樹好豈知此地難安巢
南山巖石多雲霧舊居欲歸愁路遙

銅雀妓

霸業山河在三臺不復春當時望陵處松柏亦

成塵舞袖閒雲薄紅顏野草新曾聞王子敬道
此最關人

嘯臺

魏晉已如夢荒臺今尙存龍虬正交鬪鸞鳳自
高竊避俗惟長嘯逢人常不言始知真隱意何
必入桃源

虞美人花

逸豔驚人一簇明石邊池畔總盈盈倚風啼露

朱顏薄動碧翻紅舞袖輕春酒覺餘猶有暈楚
歌何處斷無聲朝來恨欲成堆裏誰與君王舊
賜名

相思鳥

南粵春深花未殘羽衣身暖錦成團佳名莫與
離人說綵色惟教繡女看丹實啄來如子笑素
枝啣去楚臣歎霜縑擬寫相思態應爲傷心下
筆難

雙蝶

韓憑夫婦兩魂狂來往闌前亦自忙晴日試調
粧後粉春風新換舞時裳餐多芳蕊鬢猶釀睡
穩花枝夢亦香欲與何人透消息等閒飛過宋
家牆

秋海棠

花發珊瑚樹微紅著粉腮夜深嬌不睡須待月
光來

海棠

可似朝陽酒困時
春風乍暖欲開遲
烟啼露泣無人見
惟有紗窗明月知

詠古

公子翩翩信絕倫
擬將豪舉卻狂秦
不知賓客成何事
枉向樓頭斬美人

第一冊

卷三

顧女史若璞字和知浙江仁和縣人明上林苑
丞次白女副榜黃茂梧室早寡遺二子七八歲
日爲課說詩書及諸史百家言暮年纂黃氏宗
譜立祭田事事井然年九十無疾終著有臥月
軒詩稿

臥月軒詩稿

仁和顧若璞和知

和夫子西溪落梅

迤邐入西溪溪流深幾曲斷岸挂魚罾茅簷覆
修竹翠羽何啁啾滿林香撲簌晴雪飛殘英坐
愛傾蟻綠鹿門跡未湮與子同歸宿

擣衣篇

自惜盈盈十五餘不施粉黛嘆幽居忽驚流浪

雙頭鯉帶得交河一紙書
讀書宛轉愁不息
征人正在天山北
天山高插礙星流
漫駕紅鸞過十洲
君挂雕弓控輕騎
妾聞胡雁怨高樓
滿眼風光轉眼歇
昨夜紅顏換白髮
擣衣聲斷咽霜風
掩袖啼多慘秋月
秋月孤幃滿正長
香奩寶篋耀華堂
鳴璫四面鴛鴦結
羅帳團迴錦繡香
鳴璫羅帳芙蓉錦
華燭蘭膏明未寢
解將珠鏡光如刀
留待君來照鴛枕
飲盡金罍不見君
湘

簾怨臥煙氤氳羽書猶欲征邊塞願逐巫山一
片雲

江上縑絲曲

桃花花繁楊柳垂纖腰嫩臉香風吹鶯兒調聲
聲正滑堂上絲車鳴軋軋少年騎馬挾金彈青
冪朱舡紛夾岸縑絲終日不忍看寒蟬早晚啼
秋幔

艇軒夏晚次壁間韻

日暮炎威淨閒庭月乍盈野螢流箇箇鐘梵度
聲聲荷卷銀塘綠蘋含晚岫晴琴尊不復對隣
院夜泉清

秋日過偕隱園

自分窮愁合避喧便攜竹杖到西園蕭蕭三徑
人蹤絕寂寂雙扉樹影繁舒卷無心雲出岫升
沈莫問月臨軒紙窗閒靜無此事自寫幽芳寄
九原

爲燦兒修讀書船

媿說和熊阿母賢偶來選勝段橋邊時依古樹
隨清月不逐輕鳧泛碧煙前事欲師楊子宅路
人遙認米家船修成莫誤浮梅檻好載青緗守
舊瓊

自君之出矣三首

自君之出矣不理釵頭玉思君湘水深啼痕猶
在竹

自君之出矣鸞鏡不曾開
思君如璧月皎皎照妝臺

自君之出矣羅幔月娟娟
思君如絡緯輾轉一絲牽

湖中

湖光渺渺冷煙微
江鷺沙鳧佇不飛
恰欲抱琴輕別去
芰荷分綠上羅衣

宮詞

垂柳千絲拂御墀涼風吹到影蛾池銀箏玉笛
花前奏不唱班姬團扇詞

第一冊

卷四

徐女史昭華字伊璧一字蘭癡浙江上虞縣人
兵部尙書人龍孫女徵士咸清女諸暨諸生駱
加采室工楷隸善丹青著有徐都講詩一卷

徐都講詩

上虞徐昭華伊壁

桃葉渡歌

可憐桃葉渡落日行人暮
雙槳打清波風送桃
葉過只今桃葉渡頭稀
艇子江頭歸不歸

明妃怨

一別深宮出塞垣
黃沙陣陣撲金鞍
于闐不見花堪採
隴水由來淚未乾
寒風萬里吹淅瀝
欲

掃蛾眉恨無力環珮空教入夢魂
燕脂久已無顏色試聽琵琶絃上聲
分明都是別離情漢宮
窈窕何所見惟有塞垣寒月明
冰連野窖鳥啼歇月照長城馬嘶絕
更闌蘆管暗吹來不落梅花
落落寒雪故苑春花陸續生
春風吹不到龍庭燕山
萬里黃雲暗惟有明妃墓草青

探親吳門同虞夫人遊虎邱

閭門日出晴鴉噪雨棹閒尋虎邱道
宿霧猶含

隄上花流雲已渡波閒藻紅欄上下傍水行畫
船歌吹來傾城迴帆不盡摻搨意捲幔時聞過
曲聲斜峙山橋甫能住香車早趁山塘去滿街
梔子未開花幾樹垂楊自飛絮到門知是梵王
宮臺榭連雲曲徑通樅棚覆葉沾茶碧漆柱遮
油賣杏紅我尋生公舊法席褰裙一上生公石
龍削絕壁尙留池虎去中林杳無跡登山四望
更無山但見山藏古寺閒繞地松楸看去密空

庭塔影落來圓修廊詰曲幾回度又聽歸鴉噪
前路夕陽一片寺門邊不識真娘在何處

彩毫怨

榆落薊門秋征人出塞遊新鴻迴絕幕孤月照
空樓拂紙千行淚揮毫萬里愁緘題猶未竟重
拆問封候

送尼

芙蓉曲岸散紅霞送客江邊疎柳斜蘭槳行時

飛化雨錦茵鋪處布金沙乘杯欲渡吳閶水拂
塵曾開鑑曲花一自水田相顧去何年重把綠
袈裟

題畫蝶

蛺蝶翻飛去翩躚絲筆中雖然圖畫裏渾似覓
花叢

塞上曲四首

朔風吹雪滿刀鏢萬里從戎何日還誰念沙場

征戰苦將軍今又度陰山

長雲衰草雁行平沙磧
征人向月明思婦不知
秋夜冷寒衣還未寄邊城

蒲桃宮錦紫驂駟走馬沙場日未休
簷簷策策聲傳
明月夜琵琶絃斷玉關秋

曠騎三千出漢關
雕戈十萬臥燕山
月明近塞
頻驅馬尚有將軍夜獵還

西湖竹枝詞

赤石磯邊湖就姑長將綠髮石邊梳妝成只怪
西施巧那便花花似此湖

送虞英嫂歸諸暨

落盡紅衣蓮子多相看綠水木蘭過曉風不解
吹愁去偏送佳人到苧蘿

第一冊

卷五

吳孺人山字巖子安徽當塗縣人太平縣丞江
寧卞琳室善書寫意山水工草楷書著有青山
集四卷

青山集

當塗吳山巖子

新霽

新霽健草木林塘肆芬芳拂石竹陰晚地幽人
亦涼遠天自空靜蟬風吹夕陽

望鍾山

天氣清無霞遠山益幽靄憑樓縱觀眺日與羣
物會清風自南來竹樹生微籟歌禽唱金縷翠

篠飄羅帶時佳景復麗賞心亦高邁延竚望鍾
陵眷然悵松檜似覺古今短徒謂乾坤大念昔
爽鳩氏川原鮮常在

法海寺

聞說隋家帝於此建宮闕種色玉勾斜年年芳
草發代往存形勝古刹依林樾輕風吹錦帆今
古一明月

集不繫園

兩峯不出雲十里春陰普水上快鳧鷗簾前怨
鸚鵡花寒不放香月瘦未見補莫謂近山晴遠
山還是雨

越城歌

越王城邊春鳥吟忽思美人歌舞心一朝歌舞
向吳國水犀軍散劍池深姑蘇臺下草連天鴟
夷一艇何茫然

泊舟香口

青山集

甲二十四

題畫

雪意滿前山蒼雲落寒樹扁舟人不歸想在谿
中住

姑蘇棹歌二首

水色連山青欲流漁人終日掉輕舟一條古路
分吳越直到錢塘江岸頭

水轉楓橋徑轉幽人家綠樹映高樓木犀秋滿
山塘上一路清香到虎邱

清明

而今何處覓桃源
風雨清明且閉門
春草萋萋歸不得
江南多少未招魂

廣陵雜詠二首

檢點遊裝問有無
欲呼雙鹿駕柴車
一椽傍水留新句
幾擔移家只舊書

悵望遙天羨鳥歸
落雲深處曙光微
荒階漸有蟲聲出
秋欲來時細雨飛

第一冊

卷六

陳女史皖永字倫光號汲雲老人浙江海寧州
人工部尙書文和公鼓永妹副榜楊中默室著
有素賞樓詩稿八卷

素賞樓詩稿

海寧陳皖永倫光

君馬黃

君馬固神駿我馬非駑駘
伏櫪良可歎世無黃
金臺

敝衣行

秋光漸老侵羅幃江楓冷墮木葉飛
處處坐月急砧杵霜風催我尋故衣
短襦浣濯去塵垢連

歲補綻新聞舊尙可著絮末忍棄庶免肘見換
長衷我思古人真我師繡移曲折老杜詩布裙
操作風足尙何況杼袖空無絲縫紉完好喜溫
輒狐白貂茸逸輕暖夜寒初試出熏籠素綾被
覆和香卷

夏日遊蓮池尼菴

千秋不翦拜祇樹蔽甘棠桂老幽巖古松高深
殿涼遠峯青入牖斜月淡侵廊荷清清無暑微

風暗遞香

小窗

小窗宜靜坐竟日不開簾破悶書千卷同愁鏡
一奩硯留雲氣潤眉記月痕纖在苒年光度催
人鬢雪添

人影

依人戀戀最多情身外深交共死生踏月隨行
如有伴臨波對語卻無聲行藏每寄燈明滅去

住常勞鏡送迎與我周旋原是我同卿出處不
慙卿

落花

困倚春風悄悄憂杜鵑聲裏若爲留別離南浦
飄紅淚訣絕東君賦白頭處仲遣姬開後閣石
崇看妾墮危樓莫誇三月花如錦無此繁華無
此愁

愁

萬緒纏綿境不同心傷眉鎖淚痕紅
追隨夜雨孤燈下棲止秋霜明
鏡中酒力逢君難克敵詩
才藉爾易爲工人間何處堪相送
牛背斜吹一笛風

戲詠不倒翁

頗矜文采列表冠鎮定閒嬉品自端
孤立無依能禦侮高眠不穩敢偷安
搖頭似畏人情薄裹足因知世路難
推重傾危多莫論雲泥自向一

身看

上巳日清明

鞦韆庭院被除天上巳清明景共妍待燕簾櫳
人悄悄聽鶯池館雨絲絲桃花水暖初修禊榆
莢風高已禁煙踏遍青青觴曲水賞心還勝永
和年

松

不改永霜操凌寒翠色新可憐桃李樹回首路

秀塵

獨坐看雪

垂簾深坐一身閒
靜看沈煙起博山
天上誰施修月手
霏霏玉屑滿人間

第一冊

卷七

王女史慧字蘭韞江蘇鎮洋縣人學使發祥長
女紹興知府吉武妹常熟諸生朱方來室兄妹
七人俱能吟詠蘭韞尤工著有凝翠樓詩集

凝翠樓詩集

鎮洋王 慧蘭報

山陰道中三首

出郭忘遠近十里清陰中
川陸互回沒延緣遂
無窮岡巒去殊勢竹樹交成
鼓安知蒙密處下
有溪流通石橋路可尋
一轉迷西東烟空人不
見寂寂山花紅

行行轉深迥所得益幽奇
萬壑與千崑今來始

見之紛紛紅復碧相引呈異姿心目所應接人
各領其私煙縷出叢薄山家住茅茨人世杳然
隔何殊太古時

溪流繞巉巖一葦去不息沙灘清且淺水底見
竹色文石無歲年山根漫歷歷谷鳥鳴轉幽湖
洞安所極水花愛明淨絕境杳難卽可有浣紗
人一笑似相識

花下讌集

城南落日綠滿田柴門恰與青蕪連歸霞返照
霽景鮮丹楓黃菊相爭妍主人擁榻愁難眠坐
對古樹吟秋蟬桂屋風來影亂翩恍如瓊宇逢
癯仙笑傾美酒雙玉船數枝清香拂几筵捲簾
試向金鈎懸起看皎月來窗前侍兒花底調冰
絃一彈再鼓聲綿綿露寒墮藥粘珠鈿人面恰
可欺紅蓮更長燭滅兔魄圓花露霽霽輕於烟
卻思分韻擘錦箋揮毫落紙孰後先醉筆模糊

醉語傳嫦娥應笑人如癩急吹活火分新泉甑
爐石銚親烹煎夜涼風露且莫旋來朝擬復遊
花邊

冷泉亭

泉聲檐檻外林壑杳然深人世熱何處我來清
到心松林藏日色潭底臥峯陰一自樂天記山
光寒至今

夏日題所居

銷夏渾無事柴門盡日關
倦拋書卷臥閒把藥
畦刪綠借鄰家樹青分郭外山
蕭疎遺俗慮差
可適真頑

禹陵

明德彌蒼昊神功邁大庭
懷襄方盡力併胝極
勞形草木開蒙昧龍蛇滌穢腥
鑄金九土貢誌
怪八方經蒼水先呈簡防風
後至刑相傳弓劍
棄此地隧泉扃三古遺祠廟
千秋共薦馨璧牲

前代典碑版列朝銘深殿從羣后空山走百靈
舊聞雲罕駐今見翠華停心法傳河洛天章煥
日星殊恩沾後裔異數出明廷肅穆瞻新像登
臨泊小舫城垣辭鏤琢戶牖炯丹青莫覓藏書
穴徒看窆石亭蘿長巖竄跡松老鶴修翎衆水
環襟帶諸峯列嶂屏橋山同故事寂寞對秋坳
移居茜里舊宅

新塘一水繞街東舊是柴桑五畝宮松菊尙存

思祖德蓬蒿不剪見家風花深雞犬疎籬外潮
落魚鰕小市中卻愛堂前雙燕子還尋故壘入
簾櫳

鄰女幼歸夫家因婿無藉淪于塞下聞而
有感

曾向鄰居共絳紗裁雲詠絮鬪芳華香沾繡帙
同分線春暖妝臺互送花漫說羅敷原有婿可
憐蔡琰竟無家於今辨髮垂雙耳紫塞斜陽泣

暮笳

閨詞

輕寒薄暖暮春天
小立閒庭待燕還
一縷柳花飛不定
和風搭在繡牀前

宿田家偶見粘窗破紙
乃韓偓香奩詩惜
而有賦

麗情佳句有誰知
瞥見窗前字半欹
爲惜風流埋沒甚
自攜紅燭拂蛛絲

第一冊

卷八

柴孺人靜儀字季嫻浙江錢塘縣人明舉人世
堯次女教諭沈漢嘉室善鼓琴與姊貞儀並擅
詩名著有凝香室詩鈔北堂詩草

凝香室詩鈔

錢塘柴靜儀季嫻

燕燕篇

燕燕何差池相顧戀儔侶春日方載陽呢喃如
學語結巢在君家本謂獲安處啣泥而哺子雛
成大辛苦童子亦何知探穴敢予侮不惜口卒
瘡傷哉無牖戶幕上與梁間何者爲樂土

琴詩

朗月當窗牖淒風正徐來顧視壁上琴慷慨有
餘哀我父昔知音貽我桐梓材幽蘭與白雪朝
朝奏庭幃高堂莞爾笑謂我無暫離消沴召和
氣閨閣固其宜白鶴翔寥廓神龍爲徘徊聲音
與天通應感非所期一日三摩挲愛此軫與徽
金相而玉質乃爲女士師

與家婦朱柔則

深閨白日靜薰香垂羅幃病起罷膏沐淡若明

河秋自汝入家門操作苦不休蘋藻旣鮮潔牖
戶還綢繆丈夫志四方錢刀非所求惜哉時未
遇林下聊優游相對理琴瑟逸響隨風流潛龍
慎勿用牝雞乃貽羞寄言閨中子柔順其無憂
子用濟有遠行詩以貽之二首

吾子廉吏孫讀書昧生理三十未成名徒然還
鄉里外侮旋復來內憂方未已忽然遠行役披
衣中夜起明星光在天河流正瀾瀾行雲有返

期遊子靡所止攬涕下高堂長途從此始

野雀從南來翩翩思擇木感此主人賢飛鳴集
其屋才地非獨優處卑願亦足矧有嘉樹林朝
昏託棲宿鷹鷂過莫窺尉羅無由觸哀彼黃鳥
詩長謠念邦族

長信宮

玉臺妝罷無人見傷心空自悲團扇秋草偏生
長信宮春風只在昭陽殿殿裏君王酒半醺嬌

歌雅舞爭紛紛三千錦帳飄香麝十二長裙散
彩雲衆中別有人如玉新妝豔豔嬌紅燭不許
寒烏帶月啼恐驚春燕啣花宿誰憐長夜夢難
成忽度流螢似有情片月高高挂天漢千秋應
照妾心明

贈顧啓姬

美人家住西湖湄芙蓉千葉含露垂想像芳姿
邈難卽令人長嘆中心悲安得移居作鄰里與

爾且暮長相隨長相隨遠離別忽得錦箋長一
尺不數郢人歌白雪多君一片心兩地相思深
牀上古琴閒不理往往風雨作龍吟秋來釀得
黃花酒開尊獨飲不甘口况復淒其對衰柳欲
邀知己共論文香車肯過蓬門否

勗用濟

君不見侯家夜夜朱筵開殘杯冷炙誰憐才長
安三上不得意蓬頭黛面仍歸來嗚呼世情日

千變駕車食肉人爭羨讀書彈琴聊自娛古來
哲士能貧賤

秋分日憶子用濟

遇節思吾子吟詩對夕曛燕將明日去秋向此
時分逆旅空彈鋏生涯只賣文歸帆宜早挂莫
待雪紛紛

東圃

捲幔憐春色披衣畏曉寒葉稀將補竹花密欲

分蘭圃近求蔬易村遙得酒難無人抱幽興來
此看林巒

過願圃同馮又令錢雲儀願啟姬林亞清
作

雕闌畫閣倚層空翠樹紅霞入壑中照水雙雙
看舞鶴銜蘆一一數歸鴻簾前夜映梅花月筆
底春生柳絮風相過名園誇勝景清尊喜與玉
人同

題自畫

香閣閒無事丹青聊自娛移將眉黛色寫出遠山圖

黃天蕩詠古

玉面雲鬢拂戰塵芙蓉小隊簇江濱不操井臼操桴鼓誰信英雄是美人

諸子問詩法口占

四傑新吟開正始高岑諸子各稱能英華歛盡

歸真樸太白還應讓少陵

第一冊

卷九

張女史學象字古圖一字凌仙山西太原縣人
貢生佚第五女吳縣諸生沈載公室工駢體文
吳姊學雅學魯學儀學典妹學聖學賢俱擅詩
名著有硯隱集

硯隱集

太原張學象凌仙

寫懷

人生同落花幸爾墮茵席雍容畫堂上窈窕珠
簾側棠棣并芬芳椿萱復珍惜侍兒理雲鬢保
母供膏澤容服旣光華禮儀復閒式幼無適俗
韻宿負詩書癖所佩惟芝蘭所親惟翰墨流覽
古今篇忻然每忘食摛辭倣屈宋選句摩元白

揮毫霞落紙朗詠無晨夕自擬樂無涯詎知運
有極鸞鶴養修翎八表期瞬息忽遇宋都風墜
此青雲翼誤爲塵網羈有志竟不獲戢羽銜鷺
羣困蹤螻蟻域懷瓊與握蘭芳潔誰能識徒爾
事文章不蒙稽古力已矣復何言撫琴長太息
阮籍慟途窮孔聖悲麟出豈惟傷道喪更有憂
貧感運會既如斯天意渺難測翻成失馬翁常
灑牛衣泣原生圭華門仲蔚蓬蒿宅陶令返東

離場公居大澤峻節凌松筠清名耀典籍奈爲
寒餒驅長歌行乞食熒熒薄命人念茲常慊慊
緬焉起深思景仰先賢德抱飢恒晏如屢空誠
不惑莫訝鬢如霜但令心似石生同逆旅舍寓
形不滿百豪奢非所慕榮悴相尋繹君子貴固
窮求仁而自得在己何尤人聊以寫胸臆

春晴曲

三分春色纔過一紫燕銜泥畫梁集綠輒紅嬌

帶淚痕雨餘枝上花無力佳人拾翠芳亭遠號
國金車異香滿簾幙低垂午漏長萋萋芳草池
塘暖流鶯百轉晚風輕蘭蕙吐芽芳氣盈明媚
韶光容易過愁眉蹙破遙山橫

卽事

牢落愁身世清吟強自寬招魂徒擬宋作誄漫
追潘苦志歌黃鵠幽芳披紫蘭青雲如道在未
必葉孤寒

歲暮感懷

緝柳編蒲太苦辛
半生多難已忘身
橘林乏實
供餽粥突舍無煙
薦藻蘋空羨田真
兄弟樂堪
憐任昉子孫貧
一函遺草誰爲達
檢點徒令淚
滿巾

山居

泉脈淙淙石溜深
雙扉長掩五湖濱
樓前但看
峯千朵
窗外惟容月一輪
已悟幻身同泡影
不

隨庸俗肆貪嗔梅芬竹瘦幽如許合與靈威作
近鄰

擬古

夙昔愛鳴琴流泉指下生子期今已沒誰聽斷
腸聲

七夕

寶鼎香消欲臥遲蕭蕭松竹夜涼時人間一別
成千古莫怨仙家隔歲期

望月有感

繁華一瞬盡成空
此別無因得再逢
一樣月明
泉路隔夜臺
何處照行蹤

第一冊

卷十

葛女史宜字南有浙江海寧州人明舉人癯庵
第三女諸生朱爾邁室性閒靜喜讀書日坐小
樓以筆墨自娛書畫奕算無不精妙兼通西法
能以儀器測星象著有玉窗遺稿二卷

玉窗遺稿

海寧葛 宜南有

閒居

清風滿徑綠樹重陰數聲啼鳥庭院深深

明月照高樓

明月照高樓皎皎多光輝上有蕩子婦憑高獨
徘徊徘徊復何如灑淚沾裳衣思君不能語忽
忽如調飢朔風吹庭樹賤妾將何依願作高山

鳥飛向君懷棲君懷不我顧鳴聲悲以悽四海
抑何曠分飛東復西

燕歌行

別日苦促會日稀雲山阻隔鴻雁飛懷君永夜
漫淒其憔悴蘭房悵別離妾只含情獨掩扉君
留他鄉胡不歸欲語不語還低眉撫琴一彈心
傷悲再彈不覺淚連絲明月爛爛無光輝牛女
咫尺河閒之斗轉參橫夜半時

昭君

匹馬辭金闕衝寒拂玉鞭蛾眉邊月苦翠袖朔
風堅書斷還窺雁愁深罷撥絃誰言明鏡裏猶
是漢宮年

寄妹

揮手驚雲散春風幾度思臨花知巧笑對月想
蛾眉遠道書難寄閒窗夢獨遲何年歸故苑晨
夕共題詩

雨泊皋亭山

雨色分高岸皋亭作客年宿雲封野店微火辨
漁船對酒山長暝題詩人未眠空嗟前路遠處
處接風煙

九日懷遠

此日金陵客登高何處臺江寒鴻雁過霜老菊
花開書札人千里風塵酒一杯莫因青草歇不
遣馬蹄回

湖上聽雨

一簾風雨送春殘
徙倚樓臺興未闌
落落野鷗窺別浦
依依鶯語回灘
高低樹色連天暮
遠近湖光入座寒
爲憶故園花放早
此時飛遍玉闌干

臥病懷遠兼示兒冲溥洵及女芬

臥病經年春復過
畫樓寂寞竟如何
山桃雨後花爭放
溪柳晴邊葉故多
嬌女臨窗鋪薄錦
癡

兒弄筆譜新歌東風日日吹愁去飛度關前白
玉河

自君之出矣二首

自君之出矣明月照羅裳思君如江水萬里正
茫茫

自君之出矣日月馳奔駛思君如亂絲頭緒不
勝理

閒居

春來盡日雨門外少經過惟有鶯無事閒啼到
綠蘿

月下有懷二首

梧桐月落夜闌時萬里清光兩地思鴻雁一聲
秋色裏懷君客路益淒其

初月纖纖映竹扉秋風蕭瑟動羅衣不堪羌管
橫吹處一夜霜天葉亂飛